

ত্ৰিপুৰা হাফাঙ
ককখুম তেই হুকুম দাগিখুঙ

স-২০৫৬

আগৰতলা, ১ আগষ্ট, ২০২৫

প্ৰজ্ঞাভবন অ ট্ৰেনিং ক্যাম্পন' চেঙগাঁই ৰীখা মন্ত্ৰি অকৰা
কাহামকুক সাকহামনি সেপ ৰীনা অ ডাক্তাৰক তেইব' সাকতাৰনা নাঙনায়

আঙুলি বায় বাকসান' হাসতেনি কুবুন হাঙকৰ তেই বীখাকস্তে সাকহাম নকৰগ' কীতাল সাকহামনি বেখেৰেপ সঙচাউই তিসানানি সামুঙ তাঙজাগাঁই তঙগ'। হাসতেঅ সালকিসা সীকাঙ কিডনি ট্ৰান্সপ্লান্ট খীলায়জাকখা। লিভাৰ তেই হাট ট্ৰান্সপ্লান্ট খীলায়নানি বাগাঁই বেখেৰেপ সীনামনানি বাগাঁইব' লুডাজিমুঙ রমজাকখা। এজিএমসিঅ ৰাঙ ২৫০ কোটি সীবায়ী সুপাৰ স্পেশালিটি ব্লক সীনামজাকখা। থাঙনায় ৩১ জুলাইঅ প্ৰজ্ঞাভবন অ ডেন্টাল মেডিকেল অফিসাৰ, নাৰ্সিং অফিসাৰ তেই কমিউনিটি হেলথ অফিসাৰকনি হাসতেরেমনি ট্ৰেনিং ক্যাম্পন' চেঙগাঁই ৰীই মন্ত্ৰি অকৰা প্ৰফেসৰ (ডা.) মানিক সাহা অ কক সাখা। ন্যাশনাল অৱাল হেলথ তেই ন্যাশনাল হেলথ মিশনন' ৰীগাঁই সালনীয়নি অ ট্ৰেনিং ক্যাম্প সঙচাখা ত্ৰিপুৰা ডেন্টাল অ্যাসোসিয়েশন, আগৰতলা ডেন্টাল কলেজ তেই আইজিএম সাকহাম নক। মন্ত্ৰি অকৰা অ পানদাঅ বানা নাৰীই কৈলাসহৰ সাকহাম নক তেই বিশালগড় সাকহাম নকনি বাগাঁই খুঙনীয় ব্লাড কালেকশন ট্ৰান্সপোৰ্টেশন ভ্যানন' চেঙগাঁই ৰীখা।

চেঙমুঙনি পানদাঅ মন্ত্ৰি অকৰা সাখা, সীকাঙনি সীলায় তাবুক কীবাঙকুক সীৰীঙনায়-সীৰীঙনায়জীকৰক এমবিবিএস, ডেন্টাল সায়েন্স, নাৰ্সিং আকৰকন' তীয়ীয় পৰিউই মানখা। মন্ত্ৰি অকৰা সাখা, হাসতেঅ রেফাৰেল সাকহাম নকৰকন' খবীই কুবুন সাকহাম নগ'ব' তঙকসঙ লুকুৰকন' সাকহামনি সেপ ৰীখানি ডাক্তাৰক তেইব' সাকতাৰনা নাঙনায়। কাহামকুক সাকহামনি সেপ ৰীনা বাগাঁই ডাক্তাৰক তেইব' বায়থাঙ পুইতু চাজাক আংনা নাঙনায়। মন্ত্ৰি অকৰা সাখা, সাকহাম নকৰকন' তীয়দুলনানি বাগাঁই হাসতে হাফাঙ হসপিটাল ম্যানেজমেন্টন' ৰীগাঁই ট্ৰেনিং থিতি খীলায়নায়। আব'বায় বাকসা ব' সাখা, প্ৰধানমন্ত্ৰী জন আৰোগ্য যোজনাঅ তাবুক জৰা সাড়ে ১৩ লক্ষ হয় লুকুৰকনি হামকীৰায় আংখা। মুখ্যমন্ত্ৰী জন আৰোগ্য যোজনাঅ ৫ লক্ষ ১৬ হাজাৰ লুকুৰকন' আয়ুস্মান কাৰ্ডনি বিসিংতাই ৰাঙ ১৭ কোটি হয়নি চুবাচু ৰীজাকখা। মকলনি ট্ৰিটমেন্টনি বাগাঁই আগৰতলাঅ ৰিজিওন্যাল ইনস্টিটিউট অব অপথ্যালমলজি আচুক ৰীনানি লুডাজিমুঙ রমজাকখা। আগৰতলানি ডেন্টাল কলেজনি বাগাঁই ৰাঙ ২০০ কোটি চঙজাকখা। অ কলেজনি নৰ্থ-ইষ্টনি বিসিং কাহামকুক ডেন্টাল কলেজ খীলায়নানি চায়তকমুঙ রমজাকখা। মন্ত্ৰি অকৰা সাখা, কীকীৰীক ৰাইদা ৰীগাঁই অ জৱানি বিসিংন' ১৯ হাজাৰনি কীবাঙ হাফাঙনি চাকিৰি ৰীজাকখা। হাসতেনি কেৰঙ ৰাইদানি তঙহালক সীকাঙনি সীলায় কীবাঙন' কাহাম আংখা। কেৰঙ ৰাইদা মীথাঙথানি ২৮টা হাসতেনি বিসিং ত্ৰিপুৰা তাবুক উলখাম থায়' তঙগ'।

পানদাঅ মানজাক ফায়নায়কনি বিসিং ককমুঙ নাৰীকখা সাকহাম নাইখুঙনি অ্যাডিশনাল সেক্ৰেটাৰি ৰাজীৱ দত্ত। পানদাঅ সাকহাম তেই নুখুঙ হামকীৰাই নাইখুঙনি দাগিফাঙ ডা. তপন মজুমদাৰ, আগৰতলা ডেন্টাল কলেজনি প্ৰিন্সিপাল ডা. শালু ৰায়, নুখুঙ হামকীৰাই তেই বেমাৰি কাসুনায় নাইখুঙনি দাগিফাঙ ডা. অঞ্জন দাস আকসঙ মানজাক ফায়খা। লামসগাঁই ককমুঙ নাৰীকখা ন্যাশনাল হেলথ মিশননি জয়েন্ট ডিৰেক্টৰ ডা. অলক দেৱ।
